



中界論

中界者。上下之間也。不分層次。而分星系。其數不能備舉。大約諸星之中。紫微最大。位鎮中央。故為衆星之主。有北斗。南斗。東斗。西斗。中斗。二十八宿。繞之。而為紫微系。其外衆星。內有太陽系。水星。金星。地球星。火星。木星。土星。天王星。海王星。及小行星。繞之餘系。則不可計數。乃無數恒星。行星所合而成也。又衆星系之極南為南極系。衆星系之極北為北極系。各依軌道而行。諸星之質。差異不同。有土質者。有金質者。有木質者。有石質者。有鐵質者。有一月者。有無月者。有衆月者。有生火者。有生金者。有生水者。有生木者。其上之人。亦相差別。有能飛者。有能行者。有食物者。有不食者。總之。皆有常質。常形。所謂常人能見能聞之物。不能永存而不壞。歷年既久。劫火一燒。則不知墮落於何處矣。此中界之大概也。

樂在其中

中界目錄

紫微星系

紫微星論

紫微星系總論

五斗分論

二十八宿表

衆星系

衆星系總論

太陽系

南極系

北極系

山東歷城十歲童子江希張著併繪圖

紫微星系

紫微星論

紫微星萬星之主也。較太陽大十萬餘倍。發極明之紫光。質如紫金。內含磁性。故能吸引衆星。其直徑長二千五百八十萬萬零一百萬里。恆居其所而不動。移。上有光球。能自旋轉。約地球二百九十三日。即自轉一週。設將地球置紫微星中。猶太倉之一粟。大海之一杓也。因其熱力極大。故不能生人。然紫微星君居焉。掌理人間禍福善惡。前因後果。富貴貧賤。生死時間。無不由之。而予奪焉。所以然者。紫微為一切星球之主。凡一切星球人民。皆歸其總治焉。即中界之主宰也。然猶仰承上帝之命令。施行不敢自專。其系有北斗。南斗。中斗。西斗。東斗。及二十八宿。其外衆星系各星。亦無不共之也。

紫微星君



紫微星系總論

紫微星系統轄諸星亦云多矣而其無人無物之理由乃是治人者之地而非
 生人之鄉也雖是天境又何為置於中界哉乃因其有常形有常質常人能見
 之耳故不附之上界而列於中界也雖列之中界仍上界馬乃中界之上界也
 總攝一切星球為之主宰其布政行令諸星曰五十二宿北斗七星南斗
 六星東斗三星西斗四星中斗五星角宿二星曰天福天貴亢宿四星曰天庫
 天貫天印天清氏宿四星曰天祿天壽紅鸞天杖房宿五星曰天房毛頭天刃
 天哭天姚心宿三星曰天心天刑天空尾宿九星曰天尾天虛天吉天靈天恩
 天德天合天守天區箕宿四星曰天箕天竹天山天森井宿八星曰天井天倉
 福德天劫天煞天異天庚天明鬼宿四星曰度鬼小符消災天火柳宿八星曰
 天柳盛澤廣澤廣成廣平廣心廣智廣寧星宿七星曰天吉金室玉宇天賊劫
 煞天馬月煞張宿六星曰小張天池天堂白虎天重月德翼宿二十一星曰天
 翼玉堂三合月恩普護五富福生天喜天醫月空四相六合明堂咸池大敗月
 破九空遊禍五離大煞正罡軫宿七星曰天虛地火土符百忌天赦土府金堂
 奎宿十六星曰天后天女天蛇天雞天修天通天光天新天丹天亢天享天京

天永。天海。天桓。天興。婁宿三星。曰千雲。連雲。厚雲。胃宿三星。曰元陽。中陽。三陽。昂宿七星。曰高厚。高明。高吉。高才。高正。高品。高敦。畢宿七星。曰水府。畢集。天仁。天義。天忠。天孝。天節。觜宿三星。曰驛馬。天敬。天合。參宿七星。曰官符。天烏。大耗。小耗。瘟疫。五墓。月害。斗宿十三星。曰天斗。天升。天巫。天泉。天玄。天金。朱雀。青龍。玄武。天厨。天奎。木狼。金狗。牛宿六星。曰天牛。金牛。牛首。駿馬。陰德。天川。女宿四。星。曰玉女。室女。雲蘿。彩鳳。虛宿二星。曰四廢。九凶。危宿七星。曰天危。大凶。九火。七死。飛廉。撞命。劍鋒。室宿七星。曰天室。天椽。天苑。天園。天圃。天門。壁宿二。星。曰歲破。黃幢。如是。等等。善星。惡星。有賜福者。有降災者。報應毫髮不爽。皆承。紫微星。君命令。施行。五斗星。君更其重要。故特加分論。二十八宿。其星甚繁。故。將其大小。地質。衛星。山水。皆列於表內焉。

紫微星系圖




(說明)孔子曰。為政以德。譬如北辰。居其所而眾星共之。孟子曰。天之高也。星辰之遠也。苟求其故。千歲之日。至可坐而致也。孔子之所謂北辰。可謂紫微也。以位居三界之中心也。紫微距地球過遠矣。較距太陽殆遠八萬七千三百倍。有奇。而吾人猶能見之者。則非人目力能達於紫微。乃紫微之光能射入人目也。若紫微無光。其太遠者。無論矣。雖千里之近。亦弗能見也。近天文家窺測各星。用天文鏡者。以其能助目力也。孔子孟子之所以不用天文鏡。而能自知者。以其目力能與日月合其明也。且其心包宇宙。宇宙在其心中。又何有不知之處哉。聖人必先能之。而後言之。必先知之。而後述之。夫以鏡助目力。取之於外也。以道助目力。得之於內也。外物有盡。自光無窮。若能修德以凝道。舍外以就內。自於三千大千世界所有一切。不閱書而可盡知矣。小子雖無知識。然於聖人已言者。而後言之。已言而未暇詳言者。詳言之。若必以為荒唐之談。渺茫之語。則孟子所言天之高。星辰之遠。苟求其故。可坐而致。不為欺人之語乎。且紫微星系諸星繁多。設一一而論及之。實限於力有所不能。故擇其要者詳言之。刪其繁者簡言之。尚乞閱者詳諸言外。則諒宥小子之微意矣。明乎此。則眾星系內太陽系。南極系。北極系。不待言矣。如是則此乃述孔子孟子之所欲言。而

未暇詳言者。詎可指為小子之夢語耶。

北斗星

北斗七星曰貪狼星。巨門星。祿存星。文曲星。廉貞星。武曲星。破軍星。凡人將生之時。上帝希水精子。轉發紫微。再令北斗註明玉冊。方能生腎。當其人未生之先。北斗已將其人宜死何年何月何日何時書於玉冊。發於冥王。令一殿冥君施行。迨其時至。先鈎其魂。再滅其魄。如燈滅火息。不能生矣。諺云。先註死。後註生。誠不謬也。擇其善者。超升上界。平常之人。仍在中界。若有大惡。則降下界。受苦無窮矣。七星之外。又有外輔。內弼。惟人目不能見之耳。




北斗星君



南斗星

南斗六星曰天府星。天相星。天梁星。天同星。天樞星。天機星。凡人將生之時。上帝希赤精子。轉發紫微。再令南斗。註明玉冊。方能生心。即將年月日時書於玉冊。發於冥王。令十殿冥君施行。會有小兒落地。因地一哭之時。魂由是而入焉。不論何人。富貴貧賤。皆有定數。邵子言一飲一酌。莫非前定。誠不謬也。惟道德仁義。則全任人之自修耳。孟子曰。求之有道。得之有命。是求無益於得也。求在外者。也。求則得之。舍則失之。是求有益於得也。求在我者也。人可不素位而行。惟道德仁義之是求哉。




南斗星君




東斗星

東斗三星。曰天棟星。天威星。天輿星。凡人將生之時。上帝希木公。轉發紫微。再令東斗。註明玉冊。方能生肝。人之一生。窮富由之而定。賞罰由之而行。一大惡減一歲。一小惡減一月。甚至動一惡念。出一惡言。重則減日。輕則減時。此所以有祁天宗之事。不宜死而竟死也。為善則增歲月。不待言矣。此所以有袁了凡之宜死而反不死也。小人閉居為不善。無所不至。見君子而後掩然掩其不善。而着其善。君子尚如見其肺肝然。况星君乎。



東斗星君



西斗星

西斗四星曰長明星。長祥星。長安星。長泰星。凡人將生之時。上帝希金母轉發紫微。再令西斗。註於玉冊。方能生肺人之一生。富貴貧賤。年月日時。所在之地。方及其子女之多寡賢愚。大公無私。皆以其前生善惡而定之也。俗語云。欲知前世因。細看今生受。欲知後世果。細思今生作。由此觀之。人可不慎獨乎。

